

Na osnovu člana 16. stav 3. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), a u vezi sa članom 21. i 59. stav 1. tačka a) Zakona o državnoj službi u Federaciji Bosne i Hercegovine („Službene novine Federacije BiH“, broj: 29/03, 23/04, 39/04, 54/04, 67/05, 8/06 i 4/12) kao i člana 1. Zakona o preuzimanju Zakona o državnoj službi u Federaciji Bosne i Hercegovine („Službene novine Zeničko-dobojskog kantona“ broj: 9/10), koji je preuzet i primjenjuje se kao kantonalni zakon u Zeničko-dobojskom kantonu, postupajući po Informaciji Općinskog suda u Zenici broj: 043-0-Su-RI-19-003014 od 24.12.2019. godine, Vlada Zeničko-dobojskog kantona, na 42. sjednici, održanoj dana 06.02.2020. godine, d o n o s i

RJEŠENJE

o preventivnoj suspenziji

- (1) Rukovodeći državni službenik Mirsada Silajdžić, postavljena na radno mjesto “direktora“ u Kantonalnoj upravi za inspeksijske poslove Zeničko-dobojskog kantona, preventivno se suspenduje sa posla, jer se prema Informaciji Opštinskog suda Zenica broj: 043-0-Su-RI-19-003014 od 24.12.2019. godine, protiv imenovane vodi krivični postupak za krivično djelo zloupotreba položaja ili ovlaštenja iz člana 383. stav 1. u vezi sa članom 31. KZ FBiH, a sve u vezi sa članom 55. KZ FBiH, te da je potvrđena optužnica.
- (2) Preventivna suspenzija sa posla imenovane državne službenice teče od 07.02.2020. godine i traje sve dok za to postoji potreba, odnosno do sticanja zakonskih osnova za ukidanje preventivne suspenzije, ili za njeno određivanje po drugom osnovu, o čemu će biti doneseno novo rješenje.
- (3) Za vrijeme trajanja preventivne suspenzije imenovana državna službenica ima pravo na puni iznos svoje plate.
- (4) Žalba ne odlaže izvršenje ovog Rješenja.

Obrazloženje

Mirsada Silajdžić je Rješenjem o postavljenju rukovodećeg državnog službenika, broj: 02-34-23201/08 od 09.07.2008. godine, koje je Vlada Zeničko-dobojskog kantona donijela na 72. sjednici, održanoj dana 09.07.2008. godine, postavljena na radno mjesto „Direktor“ u Kantonalnoj upravi za inspeksijske poslove Zeničko-dobojskog kantona. Općinski sud u Zenici dostavio je Informaciju, broj: 043-0-Su-RI-19-003014 od 24.12.2019. godine da se pred ovim sudom vodi krivični postupak protiv Mirsade Silajdžić za krivično djelo zloupotreba položaja ili ovlaštenja iz člana 383. stav 1. u vezi sa članom 31. KZ FBiH, a sve u vezi sa članom 55. KZ FBiH, te da se postupak vodi pod poslovnim brojem 43 0 K 174067 19 K i da je potvrđena optužnica.

Članom 383. KZ FBiH stav 1. je propisano: „Službena ili odgovorna osoba u Federaciji koja iskorišćavanjem svog službenog položaja ili ovlaštenja, prekoračivši svoje službene ovlasti ili ne obavivši svoje službene dužnosti, pribavi sebi ili drugom kakvu korist, drugome nanese štetu ili teže povrijedi prava drugog, kaznit će se kaznom zatvora od šest mjeseci do pet godina.“.

Odredbom člana 59. stav 1. tačka a) Zakona o državnoj službi u Federaciji Bosne i Hercegovine ("Službene novine Federacije BiH", broj: 29/03, 23/04, 39/04, 54/04, 67/05, 8/06 i 4/12), koji je Zakonom o preuzimanju Zakona o državnoj službi u Federaciji Bosne i Hercegovine ("Službene novine Zeničko-dobojskog kantona" broj: 9/10) preuzet i primjenjuje se kao kantonalni zakon u Zeničko-dobojskom kantonu, propisano je da, ako se protiv državnog službenika pokrene krivični postupak u skladu sa članom 58. ovog zakona, rukovodilac organa državne službe dužan je državnog službenika odmah da suspenduje u slučaju ako se protiv državnog službenika pokrene krivični postupak za krivično djelo počinjeno u vršenju službene dužnosti, dok je u istom članu u stavu 3. tačka a) propisano da državni službenik koji je suspendovan prima puni iznos plate.

Navedenim članom regulisana su pitanja koja se odnose na preventivnu suspenziju državnog službenika u slučajevima kada se protiv njega pokrene krivični postupak, a koja se sastoji u tome da se državnom službeniku zabranjuje dolazak na posao dok se ne okonča pokrenuti krivični postupak

i koja može biti obavezna i alternativna. Obavezna suspenzija se mora izreći, jer rukovodilac organa državne službe nije ovlašten da cijeni da li treba ili ne treba izreći suspenziju. Ta suspenzija se izriče samo iz dva razloga koji su predviđeni u ovoj zakonskoj odredbi, čim nastane neki od tih razloga, državni službenik protiv kojeg je pokrenut krivični postupak zbog kojeg je pokrenut krivični postupak zbog krivičnog djela iz odredbe tačka a) stav 1. član 59. ili ako se državni službenik nalazi u pritvoru, u tim slučajevima mora se izreći suspenzija tog državnog službenika.

S obzirom da se radi o rukovodećem državnom službeniku, direktoru Kantonalne uprave za inspeksijske poslove Zeničko-dobojskog kantona, kojeg je postavila Vlada Zeničko-dobojskog kantona, tako je nadležna i za donošenje ovog rješenja.

Član 74. stav 2. Uredbe o pravilima disciplinskog postupka za disciplinsku odgovornost državnih službenika u organima državne službe u F BiH ("Službene novine F BiH", broj 72/04 i 75/09), također propisuje obaveznu suspenziju državnog službenika kada nastupe razlozi utvrđeni u odredbi stava 1. člana 59. Zakona o državnoj službi u Federaciji Bosne i Hercegovine, a članom 76. Uredbe propisano da žalba ne odlaže izvršenje rješenja.

Prilikom odlučivanja, imala se u vidu i odredba člana 19 ZKP FBiH, kao opšta odredba po kojoj postupaju učesnici u krivičnom postupku iz člana 1. ovog Zakona (sudovi, tužitelj...) i ograničavanje široko određenih „prava“, dok je Zakon o državnoj službi u Federaciji Bosne i Hercegovine lex specialis za prava i obaveze državnih službenika.

Nakon isteka preventivne suspenzije iz stava (2) dispozitiva ovog rješenja, Vlada Zeničko-dobojskog kantona će donijeti odgovarajuće rješenje.

Na osnovu navedenog, odlučeno je kao u dispozitvu rješenja.

Pravna pouka: Protiv ovog rješenja državni službenik može izjaviti žalbu u roku od 15 dana od dana prijema rješenja Odboru državne službe za žalbe FBiH.

Broj: 02-30-1861/20

Datum, 06.02.2020. godine

Zenica

PREMIJER

Mirza Ganić

DOSTAVLJENO:

1x Kantonalna uprava za inspeksijske poslove,

1x Imenovana,

1x Personalni dosije,

1x Ministarstvo finansija,

1x Stručna služba Vlade,

1x Agencija za državnu službu FBiH,

putem Stručne službe Vlade,

1x a/a.